

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Atlas minor Gerardi Mercatoris**

**Mercator, Gerhard**

**Amsterodami, 1610**

Iodocus Hondius lectori S.D.

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Iodocus Hondius Lectori S. D.

**R**E C T E illi meo iudicio senserunt, benevole Lector, qui inter disciplinas liberales, quæ citra controversiam plurimum adferunt utilitatis vitæ mortalium, primum locum Geographiæ tribuunt, non tantum ob id, quod absque hac cæca est omnis veterum auctorum lectio, surda rerum gestarum narratio: Verum etiam quod in publicis consultationibus, inque dirimendis controversiis, quoties de ditionis finibus ambigunt Principes, vel fideli consilio, vel æquo iudicio iuvat. Nihilominus & in privatis actionibus plurimum adferens & commoditatis & voluptatis. Geographiæ siquidem inest mirifica quædam doctrina, incredibili rerum varietate a jucunditate distincta, quæ Lectoris & Spectatoris animum suavi quadam delectatione allicere & ad plenioris sui cognitionem excitare solet. Quidquid enim admirandum, quidquid uspiam gentium, (præsertim hoc nostro seculo, in quo in omnes mundi partes naves mittuntur,) terrarum, locorumve existit, id omne Geographia dilucide Lectori ob oculos ponit. Denique non solum Gentes & Regiones, Insulas, Vrbes, Maria, Flumina, Lacus, Paludes, Nemora, Vætos, Latitudines ac Longitudines per Gradus & Minuta suis descriptionibus complectitur: Verum etiam singularum Regionum res memorabiles, præclarè ac fortiter, tum domi, tum militiæ gestas, tam graphicè depingit, ut communi calculo nihil sit ad civilem sapientiam utilius ac præstantius existimandum.

Quocirca plurimum laudandi illi sunt, qui in hac arte desudarunt: inter quos Abrahamus Ortelius, Daniel Cellarius, Anthonius Maginus, Paulus Merula, Petrus Bertius aliique: sed in primis omnium doctissimus Mathematicus & conterraneus meus Gerardus Mercator, quamvis morte præpeditus Geographicum suum opus (cui Atlantis nomen indidit) ad finem perducere non potuit. Verum cum hoc ipsum a nobis superiori anno in lucem datum sit, adje-

(. .) ij

ctis non



Etis non solum iis tabulis, quæ ad operis fastigium videbantur desiderari, sed etiam accuratis earundem descriptionibus opera & labore Petri Montani affinis mei elaboratis, adeo distractum est (secundam jam editionem in manibus habemus) ut ne unicum mihi quidem exemplar relictum sit. Sed cum plurimos de magnitudine operis & de ingenti pretio conquestos audissem: tum quod nec commode ubique circumferri queant & parentibus ad rem attentionibus plerique vacuis laborent oculis. Mercatoris nostri Atlantem in minorem formam redigi; ut hac ratione & Geographiæ studiosis adolescentibus prodesse, & omnem conquerendi causam eripere possem. Hic vero Majorem Atlantem tam in ipsis Tabulis quam in Descriptionibus sequuti sumus: nisi quod in calce nonnullas ævi veteris Tabulas velut Coronidis loco adjunximus. Tu itaque benigne Lector his laboribus nostris, fruiere, fave & vale. Ex Mæolo nostro Amstelodami Idib. Martij c1515cviij.

Longitu-

